

آبونه شرائطی

ممالک عثمانیه ده سنه لکی (۶۵)، الق
آیلاف ۳۰۱، غروشدور .

ممالک حیدیه ده سنه لکی (۶۷)، الق
آیلاف (۹)، فرانقدر .

اداره خانه

باب عالی جاده سننده دائره مخصوصه

اخطارات

آبونه بدلی پشندر .

§

مسلكه . وفاق آثار مع الممنونیه قبول
اولنور . درج ایدله یازیلر اعاده
اولونماز .



۱۳۳۰ (۱۳۳۰) ۱۳۳۰

اخطارات

رساله مزین آلمدیغی کوسترمک شرطیه
بتون یازیلر هر هانکی بر هرته طرفدان
انتباس اولونه پیلایر .

§

کوسوبلرک، امضالرک وضع و اوقوتاقی
اولمسی و آبونه صره نومروس محتوی
بولونمس لازندر .

§

ممالک اجیدیه ایچون بونه اولر
درمسلرک و انسرجه ده یازیلر
اولنور .

§

پاره کوندرلرکی زمانه یه در اولدیغک
واضعا پیلدیرلمی رجا اولنور .

عدد ۲۹۹

۱۳ جمادی الاول ۱۳۳۲

پنجشنبه

۲۷ مارت ۱۳۳۰

جلد ۱۲

بر انسانك جسدینه انتقال ایدر . اوصورتله بر مدت عذاب کوریر . او آدم اولدکدن صوکره ؛ روح صره سیله حیوانانه ، نباتانه ، حتی معدنیاته قدر تنزل ایدرک سرمدی عذابله اوغرار .

دنیاچه ایکن حسنات و سیئاتلری مساوی اولان انسانلره کنججه ، بو حالدده بولنان کیمسلر وفات ایتدکاری زمان ، روحلری اولاتناسخ و مهاجرتله اوغرایه رق تصفیه کوریر و صوکره ارواح مسعوده صره سینه کچر و ذوق ابدی یه مظهر اولور ! ...)

سیاسیه لرك شو عقیده سی ، قدیم ایرانیلرک پك چوق رعایت ایتدکاری بر قسم عنعنه لرك اسبابی ایضاح ایدیه بیایر :

اسکی ایرانیلر ، انسانلره حیوانات غیر مضره یه قارشى صمیمی بر مودت پرورده ایدرلردی . حالبوکه مضر حیوانلرک اتلافی عبادتدن معدود ایدی . چونکه بو اعتقاده کوره نافع حیوانلرک بدنلری اوفاق تفك قصورلرده بولنش اولان کیمسلرک ، مضر حیوانلرک جسدلری دوجانیلرک روحلرینه مخصوص برر قالب دن عبارت ایدیلر .

سیاسیه لرك قسماً نجوم پرستی و قسماً مافوق الطبیی اولان پانته ئیزم عقیده لری ، اصولسز ، لجامسز برمیستیسیم ایلرک تتویج ایدلمش اولدینی ا کلاشیلور . سیاسیه لرك ، یلیدزلرشمسك اوکنده نصل غائب اولورلرسه روح بشرده شمس حقیقی اولان خالفده اویله جه فنا یاب اولور ، ادعالری صابیه عقیده سنك پانته ئیزم و میستیسیم رنگنه بویانمش برلوحه سیدر . فقط بومرتبه کماله واصل اولماق ایچون عقلک دورت درجه یی ، دورت حالی کچمش اولسی مشروطدر .

سیاسیه لر ، بودورت مرتبه یی شو صورتله تعداد ایدیورلر :

(۱) اللهك رؤیاده کورولسی .

(۲) خال یقظه ده مظهر اولماق ،

(۳) وجد واستغراق کچیرمک ،

(۴) فنا فی الله اوله رق شخصیت جسمانیه سنی اونوتماق .

بو عقیده ده ، اییوگا (Yoga) نك مذهب هندیسى پك زیاده نظره چارمقددر . سیاسیه مذهبنك صوك رئیسى اولان (آزرکیوان) ، میلادك ۱۵۸۸ نجی سنه سنده ایرانده (کم) شهرنده تولدو (۱۶۷۳) سنه سنده هندستانك (پاتنا) شهرنده وفات ایلش در .

آزرکیوان ، حیاتی زهد واستغراق ایلرک کچیرمش ، ریاضت خصوصنده حیرت بخش بر درجه ده ایلزی کیتمشدی . سیاسیه لر ، آزرکیوانی ، (مه آباد) خاندانك صوکنجیدی عد ایدرلر . م . شمس الدین

ادبیات

قولاغسکده کوبه اولسون ، اونوتما !

روم ایلنك طاعی ، طاشی آغلیور ،

قان ایچنده ، هر صوباشی آغلیور ؛

پارچه لاش کورده لرك یاننده ،
جان چه کیشن آرقه داشی آغلیور !

باق شو یورده تك بر اوجاق توتیور !
ایصنر قالمش بلبللری اوتیور !
او سه ویلی اووالری قورد آلمش ؛
بر چوبانجق داوارینی کوتیور !

قاره طوپراق قاندن اولمش قیرمزی ،
دوغرانلجه تورک قادینی ، تورک قیزی !
جان اوینه جان اوارجه صالدرمش
سورو سورو عرض ، ناموس خیرسزی !

محرابله خاج آصیلمش ، اذانلر
صو صدورولمش ، گوم گوم اوتیور چانلر !
جامعلرک منبرلری بیقیلمش ؛
چیزمه ایلرک چیکنه نیور قرانلر !

دوشون بوتون شو حاللری ، هپ آغلا ،
یجاغکی کوز یاشلرکله زاغلا .
اولانلری خاطرکدن چیقارما ؛
دشمانکدر بولغار ، اوکا کین باغلا .

ای مسلمان ! کندیکی هیچ آووتما ؛
یوره کیکی اوج آلمان صوغوتما ؛
ایگیم ایگیم ایلکله یشی یوردیکک ،
قولاغسکده کوبه اولسون ، اونوتما !

بوندنیدی ، سکز آی اول (روم ایللی مهاجرین اسلامیه جمعیتی) نك طلبی اوزره رینه یازدیغم شو منظومه ، جمعیت مذکوره طرفندن (انتقام لوحه سی) عنوانیله طبع ونشر ایدیلدی و هر کسک آ کلا یا بیلرک بولسان ایلرک محرر بولوندیغی ، یعنی :

دوشونجه لر ، فرنکجه دن ترجمه

صو کرا اونی تاتارجه بر سویله مه

طرزنده یازیلماش اولدینی جهته عمومک رغبتنی قازاندی . معارف نظارتنک امریله مکتبلره تعمیم ایدیلدی . (سوت) لی ، (دوت) لی بر طاقم کوه زه لکری اوقومقده مضطر قالان چوجوقلره از برله تیلدی . ذکائی زاده حافظ احمد افندی حضرتلری طرفندن ترکانه بر ادا ایلرک غایت مؤثر بر بسته یابیلدی . [*] امضاسی چیقاریلق شرطیله قارت

[*] بعض موسیقی شناسانن طرفندن ده آریجه بسته لشمش اولدینی دویده مسوده دیکله یه مدم .

پوستال شکننده باصیلدی . خلاصه ده کردن زیاد حقنه توجه کوسته ریادی .
لکن انهای طبعنده ناصیلسه بر ، ایکی یری یا کلش باصیلمش ، هله
بر مصرعنه صیقیشدیریلان (لر) ایله وزندن چیقاریلش بولوندیگی کی
صوکرادن علاوه ایدیلن بر بندی ده نقصان قالمش اولدیغندن بودفعه
یکیدن نشری مناسب کوردم .

قارئین کرامت ، تمجید پلاوی کی ایصیدیلوب ایصیدیلوب اورتایه
سورولدیکنه ذاهب اولمالرینی رجا ایله لوحه مطبوعه نك بوكا کوره
تصحیح وعلاوه ایدیله سنی رجا ایلم .

طاهر المولوی

اسلام عسکرینه

اسلام تاریخنده بعضی مختصر

بدر محاربه سنده کی شهیدلر

مسلمانلرک بدر محاربه سنده اون درت ، احد جنکنده ده یتش شهید
ویردیکنی نقل ایتشدم . بودفعه ده بوشهیدلرک کیملر اولدیغنی وهر برینک
دین اوغورنده ناصیل فدا کارلق کوسته رمش بولوندیغنی آکلاتمق
ایچین بر قاج سوز سویله یه جکم .

(یاد اعظم) دییه بر تعیر واردرکه : بویوکلری خاطر لاق دیمکدر .
بر ملت ، هر وقت بویوکلرینی خاطر لاق و اونلری دعای خیر ایله
آکمق لازمدر . بو ، یاییلمازسه ناکورلک ایدیلش اولور .

بر مسلمان عسکریده مسلکندنه کی بویوکلری طانیالی و اونلره
حرمتله برابر حرکتلرینی تقلیده چالیشمالیدر . ایشته بزم بو سفر بحث
ایده جکم قهرمانلرده مسلمانلغک ایلك بویوکلرندن و اسلام اوردوسنک
ایلك شهیدلرنددر .

فقط اونلری آکلاتمادن اول (شهیدلک) نه دیمکدر ؟ اونی سویله یم .
احتمال که سن ، بو سؤالی تحف بولورسک و « بونی بیلیمه جک نه وار ؟
شهیدلک : محاربه ده بر کولله پارچه سنک ، بر قورشون دانه سنک راست
کله سیله ، یاخود بر قیلیجک ، بر سونکونک کسوب دهله سیله انسانک
اولمه سیدر » دیرسک .

خایر همشهریم ! شهیدلک ؛ بیلدیکنک کی اولوب کیتمک دکل ، اللهله
بر آلیش ویریش ایتمک دیمکدر .

شهید ، اوله بر تجاردرکه : اونک دکانی سپر آرقه سی ، ماغازه سی
استحکام ایچی ، بازار یری ده محاربه میدانیدر .

او تجار ، بورالرده نه صاتار بیلیرمیسک ؟ یک ده سورده کلی ودایانیقلی
اولمایان حیاتی . بوکا مقابل نه قازانیر کسیره بیلیرمیسک ؟ بهایتشمه ین
وقولا یلقه الله کچیریله مه ین جنتی . بو آلیش ویریشک جو مرد مشترینی
دوشونه بیلیرمیسک ؟ بالذات تکرری تعالی حضرتلری . اینا نمامازلق ایتمه که :
بونی بن سویله میورم . ایشک حقیقتی بویله اولدیغنی ،

بسم الله الرحمن الرحيم .

ان الله اشترى من المؤمنين انفسهم واموالهم بان لهم الجنة يقاتلون في
سبيل الله فيقتلون ويقتلون وعداً عليه حقاً في التورية والانجيل والقرآن
ومن اوفى بعهد من الله فاستبشروا ببيعكم الذي بايعتم به وذلك هو الفوز العظيم .
آیت کریمه سیله رب تعالی بیلدیریورکه : (الله اعلم)

« جناب حق ، جنتی ویرمک صورتیله مؤمنلردن روحلرینی وماللرینی
صاتین آلدی . او مؤمنلر ، دشمنله چارپیشوب اولدورورلر واولورلر .
بوکا مقابل کندیلرینه جنت ویریله سی حقنده کی وعد ، طوغری اولوب
توراتده ، انجیلده ، قرآنده مذکوردر ، یعنی الله یولنده مالنی فدا ایدن
ودشمنله چارپیشوب اولدوروان واولن مؤمنلره جنت ویریله جکی اوج
کتابده ده وعد اولومشدر . عجباً اللهدن زیاده عهدینه قوی وسوزینه
صاغلام کیم واردر ؟ ای مؤمنلر ! اونکله یایدیغکنز آلم صاتیمدن طولایی
سزه مژده اولسون که بو صاتیش ، یک بویوک بر قازانج بر اقا جقدر ،
دیمکدر . بلکه ایشیتمشکدرکه : قرآن کریم ۶۶۶۶ آیتدر . لکن
بولرک هپسی بردن ، یعنی بر کتاب شکننده کونده ریله مشدر . یکرمی
اوج سنه ایچنده ولزومی کورولدکجه الله طرفندن پیغمبر افندیغنه آیت
آیت ، یعنی پارچه پارچه اولارق یوللا نیلمش ، رسول الله حضرتلری ده
اونلری ارقوبوب اصحابنه یازدیر مشدرکه بویله آزار آزار کونده ریله سی ،
هم از برله مه سنک ، هم ده موجبنجه حرکت ایدیله سنک قولای اولماسی ایچیندی .
ایشته بوکون الیزده بولونان مصحف شریفک ایچینده کی یازیلرک
بر دوراقدن بر دوراغه قدر اولان پارچه سنه (آیت) ده نیلیر . ونه
مناسبتله نازل اولمشلرسه اوکاده (سبب نزول) تعیر ایدیایر .

بونی اگلادکلیا . شیمدی شو آیت کریمه نك سبب نزولنی ده اوکره :
رسول الله صلی الله علیه وسلم افندیغ ، دهاها مکده بولندیغنی صیراده
مدینه لیلردن بعضیلری ، پیغمبریمیزی تصدیق ایله مسلمان اولمش و افندیغ
حضرتلرینی کندی مملکتلرینه دعوت ایله مشلردی . بودعوت اوزره رینه
افندیغ ، اونلره بیعت تکلیف ایتدی ، یعنی صاغلام سوز ویرمه لرینی
سویله دی . ایچلرندن (عبدالله بن رواحه) اسمنده برذات « یار رسول
الله ! الله ایچین وکندی نفسک ایچین شرطک نه در ؟ » دیدی .
رسول الله حضرتلری « یالکزر الله عبادت ایدم جککزه ، بوتلری اوکا
شریک طومتایه جککزه ، بخده جانکزی ومالکزی قورودیغکنز کی
قورویاجنکزه سوز ویریکز » بویوردی .

عبدالله بن رواحه « یار رسول الله ! بونی یاپارسه ق بزه نه وار ؟ »
دییه صوردی . افندیغ « جنت وار » ده نیجه عبدالله بن رواحه
« نه کارلی آلیش ویریش » دییه رک بازارلق ائناسنده خیرلا شیر کی
رسول اللهک مبارک الی طوتدی . بو شرطلری قبول ایله دیکنه دائر
سوز ویردی .

اونک اوزره رینه بو آیت کریمه نازل اولوب اللهی وپیغمبری
اوغورنده جان ومال فدا ایله مه نك جناب حق ایله بر آلیش ویریش
اولدیغنی ونتیجه سنده یک بویوک بر قازانج بولوندیغنی بیان بویورولدی .